

HIDOE ej kōjellā kin ien ko relablok ilo jemar ñan an rijerbal katak im ebōk jibañ

Jikuul ko iomwin Ra eo an Jelālokjen an State eo an Hawai'i (HIDOE) enaj lelok juon kein ekelel eo ededelok kin [burokraam eo an jemar](#) kōtōbar eo an enaj lale aikuj in katak ko an rijikuul ilo ien aer oktak ñan bar rool in jikuul iloan imōn jikuul ilo likiō in awa im kabojak ñan yiō in jikuul 2021-22.

Emōj an jikuul ko lukkun madmōdin kōmmane burokraam ko elab an rijikuul ro remojno itōk limoier kaki im edik aer kar maron bōk kwōnaer ilo ien jorrāān eo elab im ear jelōte aoleben lal in im bareinwōt burokraam in katak ko relablok ñan rijikuul ro rej kajeoñ in katak kin men ko rekāāl im bukōt men ko rekāāl im eitōk limoier kaki, Dr. Christina Kishimoto, Superintendent eo ear ba. Renaj lelok burokraam ko ñan aoleb joñan kilaaj ko, jen oktak in juon burokraam ñan rijikuul ro rej iten kindergarten ñan jerbal in kaminenene ko rej kolla ilo jemar ñan ro rej kilaaj joñoulruo im kadiwōjlok.



Im kobalok ibben jikuul in jemar eo jen jinoin, Ra eo ej bar lelok ien katak in jemar ko rijikuul remaron bōk kwōnaer ilo kein kōmelele ko emōj kalikar ijin lal. Baamle ko rej aikuj lale ibben jikuul eo an ajiri eo nejeir ñan jejjetin melele ko an kajojo burokraam.


Jikuul in Jemar eo Ewōr Karōkin

Burokraam in jikuul in jemar eo an HIDOE ewōr karōkin ej kōtōbar in lelok eloñ katak in jibañ ñan an kajojo rijikuul bōk lablok in joñan katak, bar aliji kilaaj eo an, bōk kredit eo elablok joñan ak likjab in kredit eo ejako ñan kilaaj ko K-12. Rijikuul ro ilo kilaaj 9-12 ebar wōr ien ñan aer kadeloñ ettaer ñan katak ilo jemar ibben [E-School](#). Jibed [ijin](#) ñan juon laajrakin etan burokraam ko rej lewaj ilo jikuul in jemar kiō.

Jikin ko ñan Katak in Jemar an Imōn Jikuul

Jikin katak in jemar ko emōj kōmmani an joñan jikuul ekkar ñan aikuj ko an rijikuul. Ewōr jiljino kain: Lablok in kredit, likjab in kredit eo ejako, katak eo elablok joñan, bar alij kilaaj, ak burokraam ko an kōtaan ien ñan oktak. Raan im kein katak ko an burokraam renaj oktak ilo jikuul.

Juon waanjoñok kin juon jikin katak ej Burokraam in Jino Kindergarten an Jinoe ilo Jemar, im aoleb elementary jikuul ko an HIDOE remaron kobalok ibben Hawai'i P-20 Ro Rej Kobalok kin Jelālokjen. Burokraam in ejellok wonnen, im an jilu wiik enaj lelok iminene in bed iloan kilaaj ko ñan rijikuul ro rej bojak in kindergarten ilo an dik ak ejellok aer iminene in preschool.



Im bareinwōt, jikin katak ilo jukjukinbed im rej emakūtkūt, im rar katak kaki ilo jemar eo lok, renaj woñmaanlok in jibañ jukjukinbed ko laajrak ilo jemar in: Lāna'i, Moloka'i, Hāna im Jikin Complex eo an Ka'ū-Kea'au-Pāhoa.

Ñan melele ko relablok im juon mab in jikin katak in jemar ko an jikuul an HIDOE kiō, jouj im lale [ijin](#).

Jibañ an Rijikuul Emōj Kōjenolok

Ewōr ien katak ko emōj kōlablok ñan rijikuul ro rej aikuj katak im jibañ ko rejenolok. Burokraam kein ekoba Yiō in Jikuul eo emōj kōlablok (ESY), Ien Katak ko Emōj Kōlablok ñan Ro rej Katak Kajin Belle, Burokraam in Jibañ ko Rejenolok ñan Rijikuul ro ewōr aer Utamwe, im Katak im Jibañ ko an Burokraam in Katak ko Roktak (ALPSS).

Katak ko Reutiejlak

Burokraam ko an [Mokaj in Kaloj](#), juon kakobaba ibben HIDOE im jikin jikuul eo an University of Hawai'i, enaj lelok ñan rijikuul ro ilo kilaaj 9-12 ñan aer bōk katak ko reutiejlak. Rijikuul ro remaron tōbrak in ebōk kredit in kaloj ilo ien aer kadedelok aikuj ko ñan tiploma in high school (ruo kain kredit) ilo ien ededelok an tōbrak aer bōk katak eo.

Katak ko ñan Kaloj, Jerbal, im Jukjukinbed

Ñan jibañ rijikuul ro rej kilaaj joñoulruo in iten kadiwōjlak im remaron bōk kwōnaer ilo makūtkūt ko alikin jikuul, katak ilo jukjukinbed, ak jermal part-time, ien jermal in kaminene ilo jemar rej bar lelok ilo obji ko an HIDOE ilo state eo. Jermal in kaminene ko rej katmāne aer jinoe ilo Juun.

Lablok jen katak ko, katak im jibañ ko laajrak renaj bar lelok ilo allon ko ilo jemar.

Burokraam in Najidik Rijikuul ilo Jemar

HIDOE enaj oktak ñan buorkraam in mōñā eo an jemar, etannin Seamless Summer Option (SSO). Melele ko relablok kin jikin jikuul ko rej bōk kwōnaer ej itōk wōt.

Lain in Kall eo an Hawaii Keiki im Jibañ ikijen Taktō ilo Kein Jerbal Kabel

Emōj kōmmāne ñan kōkmanmanlok an ejellok kalijeklok ilo jibañ ko ikijen ejmour, Lain in Kall eo an Hawaii Keiki im Jibañ ikijen Taktō ilo Kein Jerbal Kabel rej lelok ilo an ejellok wonnen ñan rijikuul, baamle, im rijermal ro an HIDOE im ewōr aer kajitōk kin abnōnō ko ikijen ejmour in enbwin im ejmour in kōmelij an rijikuul. Awa in jemar ko renaj ilo Juun 7-Julae 23, Mande ñan Bōlaide jen 8 awa jibbon ñan 3:00 awa raelab, ijellokun raan in holiday ko. Kūrlak nōmba eo ejellok wonnen (844) 436-3888. Ewōr jibañ ikijen ukok:

Burojeek eo an YES

HIDOE enaj woñmaanlok kin Burojeek eo an YES ñan an tōbar rijikuul im baamle ko ebin aer tōbaer er im ejab kwōn imōn jokwe ko aer, lelok mennin aikuj ko ekkā einwōt mōñā im kein karreo im kejbarok, im boklok makūtkūt in katak ko rekālimomo. Kajojo jikin ko renaj lale jejetin melele ekkar ñan aikuj ko ilo jikin ko aer, madmōd einwōt juon kein jibañ in kakoba jikuul im jukjukinbed ko ibben doon.

Ñan melele ko relablok kin buorkraam im ien ko rijikuul remaron bōk kwōnaer an HIDOE ilo jemar in, jouj im lale bit.ly/HIDOEsummerlearning.

###